




Twongere umusaruro wa Soya dukoresha inyongeramusaruro ya Rizobiyumu



Soya ni igihingwa kiri mu muryango w'ibinyamisogwe, gikungahaye ku byubaka umubiri (protein) n'amavuta.

Soya nk'ibindi binyamisogwe (nk'ibishyimbo, ..) ifite ubushobozi bwo gukurura no gukoresha umwuka wo mukirere wa azote ifatanyije n'udukoko "bacteria" twitwa rizobiyumu "Rhizobia" twibera mu duheri "Nodules" two ku mizi ya Soya.

Rizobiyumu ikorerwa muri laboratwari. Ubushakashatsi bwagaragaje ko gukoresha rizobiyumu byongera umusaruro wa soya ku kigereranyo cya 20%. Gukoresha rizobiyumu kuri soya bingana no gukoresha ifumbire mvaruganda ya Ireya ingana n' ibiro 100 kuri hegitari. Kandi igiciro cya Ireya kiruta icya Rizobiyumu inshuro 20.



Uduheri (Nodules) two ku mizi ya Soya.



Udupaki twa rizobiyumu tubitse neza muri laboratwari

Uko Rizobiyumu ikoresywa

IBIKORESHO WIFASHISHA



IMBUTO

IBASI

AMAZI

RIZOBIYUMU YA SOYA

Shyira ibiro umunani by'imbuto ya soya itoye neza, Sukamo utuzi duke duke maze uvange neza. Fungura agapaki ka rizobiyumu ka garama mirongo inani (80 g) maze usukemo.



Vanga neza kugeza ubwo imbuto zihinduriye ibara.

Guhungira imbuto na rizobiyumu bikorerwa mu gicucu. Reka imbuto zawe zibanze zumuke neza mbere yo kuzitera. Imbuto zihungiyeho ntizirenze amasaha 24 zitaraterwa.



Imbuto zakwiriyeho ifumbire ya rizobiyumu